

# INUIT ATAQATIGIIT INATSISARTUNI



Ulloq 03.12.2025

Inatsisartut Suleriaasianni § 37 imm. 1 naapertorlugu Naalakkersuisunut apeqqut imaattoq matumuuna saqqummiuppara.

## **Naalakkersuisunut apeqqut:**

- 1. Naalakkersuisut Islandimiit tunumut timmisartuussinerup ammarnissaanut suliniuteqarpat?**  
**A. Akissut aappiuppat, qanoq?**
- 2. Naalakkersusiut umiarsuakkut pilersuineq allannguiffigineqarnissaannik takorluugaqarpat?**
- 3. Naalakkersuisut ukioq 2025 aningaasaliissutit qaavatigut umiarsuarmik inuussutissanik pajuttumik tunumut tikittoqarnissaannik pilersaaruteqarpat?**  
**A. Taamaassimappat aningaasaliissutissat qanoq annertutigissappat?**

(Inatsisartunut ilaasortaq Iddimanngiiu Bianco, Inuit Ataqtigiiit)

## **Tunngavilersuutit:**

Ukioq 2025 tunumi umiarsuakkut timmisartukkullu pilersorneqarneq ajorluinnartumik ingerlanneqarpoq, illoqarfinnut nunaqarfinnullu tamakkiisumik inuussutissanik pisiassanik pilersuisoqarnani. Massakkumut paasisat ukuupput:

1. Pisiassat tamakkiisumik tikissimannginneri, ilaatigut kinguartinneqarnikut tikingitsuuinnerinik kinguneqarlutik.
2. Pilersuinikkut tikittut pisiassat ilaat qeritinneqarsimallutik aserorlutik tunisassiarineqarsinnaajunnaarlutik annaaneqarput.
3. Allakkat allatsitallu kinguaattooqqarujussuarneri, allaat qaammatit marluk utaqqisariaqartarluta.
4. Qaammatikkaarlugit ulluinnarni atorfissaqartitat pisiassaasannginneri ukioq manna arlaleriaq misigaarput.

Timmisartukkut angallanneq unitsinneqarneranik peqquteqartumik pisiniarfiit periarfissarsiorsinnaanngillat naatitanik ulluinnarnilu pisiassanik amigaataasunik pisiniaqqinnissaminnut.

Apeqqutit ullut suliffiusut qulit iluanni akineqarnissaat kissaatingaara.